

左恪靖侯奏稿續編

恪靖奏稿續編卷九目錄

吉林馬隊剿擒大勝摺

請將副都統安住革職留營片

請飭催各省餉銀片

師行遇雪擬取道固關南趨截剿摺

官軍追剿獲勝已抵祁州現在趨程前進摺

行抵獲鹿遵旨駐紮仍相機進剿摺

奏撥用倉糧以濟軍食片

吉林馬隊剿擒大勝摺

奏爲吉林馬隊剿擒大勝恭摺馳陳仰祈

聖鑒事竊臣前派喜昌全福安住各馬隊由豫境馳繞賊前截剿擒逆業經馳報喜昌等先後行抵河南府適記名副都統全福猝患傷寒病證稟請留洛醫治調令所部隨喜昌前進喜昌率所部馬隊先由孟津渡河於上年十二月二十一日抵河內縣屬清華鎮東二十里之合村地方探悉賊騎相距不遠喜昌飭各營列成方陣自與營總富珠哩趙福信率精騎三百探蹤進剿甫

行四里賊騎六百餘突前猛撲經官軍整隊迎擊斃賊百餘名賊返奔喜昌正調隊追剿間賊眾傾巢回犯馬步悍賊及沿途裹脅之眾其約一萬五六千人四面圍撲喜昌飭富珠哩列陣於北趙福信列陣於東營總博奇圖列陣於南營營總西常阿列陣於西互相聯絡以親兵隊往來策應喜昌見賊悉眾而至勢極兇悍嚴飭各營員弁丁勇結陣迎敵皆下馬擎鎗以待禁生擒禁奪旂械馬匹見賊逼近度鎗子可及則次第連環轟之所以整行列而遏侵軼也賊欺官軍旁無援應逞兇猛

撲以爲必可撼也雖死傷疊積戀戰如故自未至戊盛  
戰四時該逆旋卻旋前者一十二次均經擊敗約斃賊  
八九百名賊乃徐退甫二里許仍吹角整隊來撲嘉昌  
派精騎三百餘四面衝殺賊仍敗潰時已昏黑士馬飢  
疲乃令各營發號仍按方陣領馬收隊該逆每乘官軍  
出隊收隊倉卒之際勒馬回衝得以逞志至是亦紛紛  
拍馬而前官軍仍結陣迎擊斃賊多名賊復棄馬而步  
挺矛齊刺官軍亦以刀矛格殺夾施鎗礮昏夜不辨斃  
賊多少賊遂復大潰比收隊回合村適劉松山郭寶昌

聞報馳至時已交二十二日子刻矣計是日約其斃悍賊一千數百負創而遁者不知其數賊中旗械拋棄滿地是役也官軍以千二百騎擊敗大夥擒逆惡戰六時之久所殺皆是悍賊則喜昌數月精心訓練平日講求陣勢之效也其營總各員均係遴選樸勇習戰之才臨陣身先士卒膽壯氣定參領德陞驍騎校魁福各被矛傷均裹創血戰不退一步各勇丁皆踴躍用命鎗法命中有一發殪三四賊者自馬隊剿擒以來似此區區新練之軍破十倍餘兇悍之賊實所僅見設當募練之初

能精選而多致之束以樸將資以良馬臣不可藉手稍寬咎責乎所有此次尤爲出力各員弁兵勇應懇

皇上天恩俯准查明保獎以昭激勵勇丁陣亡二十一名受矛傷者八十餘名戰馬帶傷六十餘匹已飭分別給予卹養銀兩及買馬換給矣該賊於二十一日被創後由修武縣屬稍折而西屯踞城西三十里之板橋一帶劉松山郭寶昌前抵濟源東二十里之陳村因軍火糧餉均已告罄派員迎提以備進剿現已與喜昌會合共圖繞道截剿計數日內當有戰事臣於二十七二十

八三十等日在山西夏縣聞喜曲沃道中疊奉

寄諭臣兼程赴晉擇地駐紮居中調度隨時確探賊蹤繞道東行

聖謨廣運欽佩難名臣查賊蹤在懷慶一帶彰衛喫重畿南尤須嚴密防範此時情形臣自宜馳赴直隸順德一帶督諸軍向南壓剿方可與諸軍收夾擊之效自山西至直隸順德以取道壺關遼州爲近而澤潞一帶山徑積雪凍滑難行深恐求速轉滯臣現擬由平陽大道至太谷入山趨遼州以達畿甸臣自起程以來曉夜遄



行步軍衝營雪奔走旬餘適屆年終曲沃大平之間  
新遭蹂躪軍驛缺乏不得不暫駐一二日以待輜重而  
允軍士度歲之請惟當沿途趨行以速補遲所有臣軍  
馬隊馳剿捻逆大獲勝仗情形及微臣繞道東行緣由  
謹繕摺具

奏伏乞

皇太后

皇上聖鑒訓示施行謹

奏  
同治七年正月初二日

請將副都統安住革職留營片

再西安副都統安住及記名副都統全福各帶所部馬隊行抵河南府適全福瘁病暫留洛陽醫治據稟將所部交喜昌統帶乃安住竟不令隨河喜昌剿賊擅將全福所部一併兼帶二十一日之戰喜昌所部四營晝夜鏖戰安住近在一方並不出隊策應實不可解查安住平日尙稱能戰惟時藉病回西安調養自耽安逸此次過行營時曾面飭兼程前進與喜昌等合隊剿賊乃喜昌四營戰至六時之久安住所部及全福所部五

百餘騎並不出隊乖謬怯懦無可原恕應請

旨將西安副都統安住革職姑令留營再觀後效以重  
軍令所有安住及全福兩起馬隊卽併歸喜昌總統以  
一事權謹附片具

奏伏乞

聖鑒施行謹

奏 同治七年正月初二日

請飭催各省餉銀片

再臣軍餉項窘迫情形前已恭摺馳

奏准兵部火票遞回原摺後開軍機大臣奉

旨另有旨欽此尙未欽奉

上諭臣未便啟行催趲臣所留交劉典之餉既屬萬分

竭蹶臣所隨帶入晉各營及喜昌等馬隊均僅有兩月

行糧喜昌等起程較早一月餉銀業已支用現僅存一

月餉乾馬隊購辦芻糧尤不容緩正須設法早籌除咨

呈軍機處請將臣前次所陳餉事摺片欽奉

上諭恭錄咨照外仍懇

天恩俯賜飭催各省督撫迅速辦理謹附片具

奏伏乞

聖鑒施行謹

奏 同治七年正月初二日

軍機大臣 字寄同治七年正月初七日奉

上諭左宗棠奏吉林馬隊剿捻大勝並請將副都統革職留營英翰奏續派勁軍馳赴北路趙長齡奏請飭余承恩統師入晉各摺片覽奏均悉左宗棠所派喜昌等各馬隊行抵河內縣屬之合村地方突遇捻騎圍撲喜昌等列隊迎擊鎗礮環施計經一晝夜之久共斃悍賊

一千餘名賊眾大潰寔屬奮勇可喜所有此次尤爲出力各員著左宗棠擇尤保獎河北賊蹤麇集必須大兵合剿方能痛掃逆氛左宗棠現在因澤潞一帶積雪難行擬從平陽大道入山趨遼州由直隸順德一路前赴河北著卽探賊所向繞前壓剿劉松山郭寶昌業已馳抵濟源卽著飭令該提督等會同喜昌等乘勝兜擊毋任該逆得以喘息副都統安住延不出隊殊屬乖謬著卽革職留營以觀後效所有安住全福所帶馬隊著交喜昌統帶俾資得力前有旨令李鴻章催令劉銘傳善

慶溫德勒克西逃赴河北該提督等諒已登程仍著遵  
旨檄催分路前行不准稍有延緩李鴻章亦當速督各  
軍前赴河南相機調度英翰現改派陸鴻慶等隨同牛  
師韓前赴河北隨地游擊騰出方長華一軍仍由河北  
馳赴直豫所籌尙妥著分飭該將弁等剋期前進其程  
文炳一軍亦卽檄令由臨清鉅鹿一路趲行以便會合  
諸軍奮力剿擊李鶴年計已馳抵衛輝何以數日來未  
見奏報著該撫迅將近日常軍情賊情詳細奏聞並著督  
飭各軍乘勢兜擊以期就地殄除趙長齡奏晉省現無

賊蹤與臬司陳湜分籌防堵並調余承恩赴晉余承恩  
一軍現在直境剿賊毋庸調派前往俟各援軍到直後  
再候諭旨遵行西路河防仍形緊急着趙長齡傳知陳  
湜嚴密防守如再有一賊渡河致晉西復遭蹂躪卽將  
該臬司軍法從事該撫等具有天良諒不至仍前玩泄  
增朝廷西顧之憂在宗堂前請飭湖廣等省迅撥協餉  
當經諭令曾國藩等按單籌撥所有是日寄信諭旨已  
令軍機處抄給閱看矣正在寄諭間據官文奏稱前敵  
各軍迎剿情形並賊蹤擾及開河暨張曜宋慶兩軍已



抵封邱各摺片檢逆由臨漳等處分股渡河經同知余  
沛恩等會督兵勇迎剿獲勝其由內廣過河之賊現已  
擾及開州之并店地方直省軍情甚屬喫緊著宮文燦  
遵前諭剋期馳赴大名廣平一帶相機扼紮並嚴飭唐  
訓方等各帶所部趕緊分布毋稍疎虞春壽宗和所帶  
馬隊尙稱得力並著該署督令其合隊迎剿毋庸另行  
分撥致形單薄駐紮南苑之黑龍江馬隊一千名著神  
機營飭赴直隸交春壽統帶並歸宮文調遣以厚兵力  
張曜宋慶兩軍已抵封邱卽著宮文李鶴年等檄令張

服等繞出賊前與直隸各軍合力痛加剿洗以遏北犯  
陳國瑞已由廣平進發著卽會合張曜宋慶兩軍蹙力  
進剿如張曜等軍一時未能會合或先與春壽所統馬  
隊會齊以便相機截擊賊蹤逼近畿疆李鴻章英翰務  
當嚴飭劉銘傳程文炳各軍並善慶溫德勒克西等馬  
隊兼程前來如有遲延玩誤等情惟李鴻章是問丁寶  
楨前奏正月初旬親赴東昌相機辦理現賊蹤北竄該  
撫計早出省著卽迅派勁軍赴大廣一帶迎頭截擊其  
吉林黑龍江丹丁馬隊如已訓練齊集亦卽派赴直隸

交春壽統帶該副都統久經行陣帶隊素稱得力著官  
文傳諭該副都統會合各軍步隊寔力迎剿官文所派  
洋鎗砲隊及津軍馬步練兵卽著崇厚遴選得力員弁  
管帶起程交官文調遣以資厚集津郡一帶亦宜豫防  
著崇厚挑派得力之兵嚴密布置庶免臨時周章將此  
諭知神機營並六百里各諭令知之欽此

奏師行遇雪擬取道因關南趨截剿摺

奏爲師行遇雪定擬取道因關南趨截剿恭摺馳陳仰  
祈

聖鑒事竊臣前因翼城至壺關五百餘里雪後凍滑

路難行時山西撫臣趙長齡已向澤州進發臣之馬步

各軍又東過懷慶以地勢計之澤潞一帶山內山外均

已有備遂擬由大道赴太谷後取道遼州以達直隸沙

河沿途徧詢晉省官民均稱遼州山徑亦甚險窄並據

署山西布政使胡大任兩次稟稱遼州山徑荒僻軌轍

不通夫騾缺乏峻嶺陰壑冰雪未消甚難行走王等度  
間初八日在靈石韓侯嶺途次又復遇雪是日隨營軍  
裝輜重多半落後初九日冒雪行八十里抵介休縣不  
能不暫駐待之此番雪勢較上臘更厚遼州山徑凍滑  
萬難迅速趲行且臣全軍輜重僅飭山西州縣代雇車  
一百三十八輛按站照民價給錢銜途州縣臨時雇覓  
尙不免遲誤行期若雪後深入荒山更恐夫騾缺乏徑  
路艱阻求速轉運現擬改道出井陘由獲鹿欒城柏鄉  
馳赴順德一帶相機督剿此次行路酌量人力地勢每

日自五六十里至八九十里不等以天寒多雪晷短道  
長苦難剋期而至現據記名副都統喜昌上臘二十七  
日稟報已與劉松山郭寶昌兩軍馳抵河南新鄉縣探  
悉捻逆前股已擾至衛輝城西後股尙踞李家村查新  
城距李家村三十里距衛輝五十里計追及該逆必有  
戰事已飭各軍躡蹤痛剿期與豫軍共收夾擊之效臣  
慮豫軍與臣軍東西並集賊或覓徑回竄晉省南路已  
飭山西按察使陳湜撥兵增南路之防並咨趙長齡嚴  
密防堵臣又續調提督劉效忠馬步五營由豫境馳渡

黃河扼垣曲封門口一帶俾追軍一意前進免虞後顧  
所有臣軍途次遇雪定擬取道固關南趨截剿及現飭  
馬步各軍蹣踪痛剿捻逆情形謹繕摺馳

奏伏乞

皇太后

皇上聖鑒訓示施行謹

奏  
同治七年正月十一日

同治七年正月十二日內閣奉

上諭前因捻逆竄擾直隸平鄉等境李鴻章等未能催提劉銘傳等軍迅速赴援降旨將李鴻章李鶴年先行交部嚴加議處本日據官文崇厚奏捻匪北竄衝水定州一帶丁寶楨奏帶兵出省豫籌北援等語覽奏曷勝憤懣朝廷特命官文署理直隸總督剿匪是其專責乃毫無布置任令捻逆北趨日肆蔓延寔屬有負委任左宗棠於張總愚捻股未能在陝省就地殲除致令紛竄山西河南擾及畿輔調度無方官文左宗棠著交部嚴



加議處李鴻章身任欽差大臣爲朝廷素所倚畀當此  
匪蹤北擾宜何如速派援軍同心剿賊乃疊奉諭旨既  
未催令劉銘傳暨善慶溫德勒克西等軍趲程前進又  
日久無一字覆奏是何居心着拔去雙眼花翎並褫去  
黃馬褂革去騎都尉世職李鶴年未能迅速出省督剿  
會殄逆氛以致捻逆竄入直境擾及近畿所調宋慶等  
援軍又不遵旨飭令分途前進失誤戎機著革去頭品  
頂戴並摘去翎頂劉銘傳暨善慶溫德勒克西各軍是  
否李鴻章於接奉諭旨後未經催令起程抑係該員等

任意遲遲未慶張曜兩軍先後寄諭李鴻章李鶴年飭令繞赴直境迎頭壓剿乃均由豫省渡河致落賊後是否該員等不聽調度抑係李鴻章李鶴年不遵諭旨令其改道赴豫著李鴻章李鶴年據寔覆奏再行分別懲處除丁寶楨帶兵入直諭令迅速前進外所有前調劉銘傳等軍仍著官文等迅速催提以資兜剿欽此

奏官軍追剿獲勝已抵祁州現在趙程前進招

奏爲官軍追剿獲勝已抵直隸祁州及微臣行抵壽陽

縣城趙程前進恭摺馳陳仰祈

聖鑒事竊臣前將取道固關緣由恭摺馳陳本月十六

日行抵壽陽接據已革西安右翼副都統安住呈報於

本年正月初三日與喜昌會合劉松山郭寶昌兩軍至

磁州蒙家莊一帶星夜前進初五日申刻抵南和小陵

村等處聞捻逆在鉅鹿迤北一帶遂各督隊由賊西繞

進以圖自北壓剿而南行至四更繞過賊巢約已及半

賊知官軍至出巢迎拒各軍分道進剿斃賊甚夥生擒  
三百餘名奪獲騾馬四百匹追至馬莊駐宿仍即兼  
程前進於初十日已抵祁州等語其劉松山郭寶昌喜  
昌稟報尙未據遞到正在繕摺間欽奉本月初十二  
兩日

寄諭跪讀之下憂憤無措賊蹤於十二日擾及定州所  
屬據定興滿城兩縣于夾板上粘簽申明十三四等日  
該境各有賊騎是賊之零騎已駛擾保定以北計劉松  
山郭寶昌喜昌等各軍初十日抵祁州後距保定不過

百數十里必已逃圖繞截該逆專恃馳騁颯忽得以詭  
避官軍且屢敗之餘不甚戀戰尤不敢攻撲城池應請  
旨敕下順天府尹臣直隸總督臣嚴飭各州縣閉城固  
守計追軍緊蹙其後狂寇斷無能爲若劉松山等能馳  
至良鄉一帶壓剿而南更爲得勢臣軍由壽陽前進太  
行險隘冰雪滿山雖日策步隊趨行亦須數日方得出  
山賊踪已至近畿臣未能逃出賊前督兵痛剿捫心自  
問罪不容誅一俟行抵獲鹿再當偵賊所嚮相機籌剿  
所有追軍獲勝初十日馳抵祁州及微臣行抵壽陽趨

程前進各情形謹繕摺馳

奏伏乞

皇太后

皇上聖鑒訓示施行再安住全福兩員現承准神機營

王大臣咨調歸直隸督臣調遣臣已檄飭遵照辦理合

併陳明謹

奏同治七年正月十七日

軍機大臣 字寄同治七年正月十三日

上諭本日據官文馳奏逆匪竄至情苑催軍繞截並喜  
昌等軍繞至賊前及隆平剿賊各摺片覽奏均悉逆匪  
於初十日夜間由定州直撲清苑省城戒嚴喜昌劉松  
山郭寶昌各軍於十一日已經趕到該將士等星夜兼  
程馳赴近畿應援深慰朝廷期望寔屬奮勇可喜本日  
已有諭旨先行交部優敘矣陳國瑞亦于是日帶隊趕  
至保定並催宋慶張曜兩軍於次日到省均屬奮勇春  
壽余承恩等軍由高陽繞路前赴保定此時當亦可到

官文計已督軍出城迎頭會剿總期由北面進壓逼向  
南趨節節痛剿是爲至要本日據神機營王大臣奏派  
兵分路防剿情形所有派出馬步兵二千七百餘員名  
著卽赴涿州一帶酌量情形防剿其餘二千一百餘員  
名著卽前赴雄縣霸州一帶防剿其備調之黑龍江馬  
隊四百餘著趕緊補齊馬匹相機調撥逆騎剿疾異常  
難保不由保定橫向東趨繞赴北路涿州雄縣等處兵  
力未厚官文當慎爲留意隨時相機飭令保定諸軍力  
固西北勿稍疎忽致誤全局崇厚前派之天津洋鎗練



軍兵二千名並著速飭馳赴河間等處與神機營所派防軍聯絡聲勢以固京南一路鄭魁士一軍著由附京東北趨向西南迎頭截剿丁寶楨昨擬帶莫組紳等軍北援如兵勢尙單著卽添得力之隊星夜趕赴北路迎頭堵剿並著速飭黑龍江丹丁一併北來以厚兵力山東臨德東昌河防仍著嚴密堵遏勿令賊騎竄渡山西界連直隸各山口要隘趙長齡當懍遵前諭派撥兵勇堵截勿任賊蹤竄越晉曷易州重地關係匪輕著官文懍遵昨日諭旨密籌布置如有一賊竄向西北惟官文

是間近畿情形如此緊要李鴻章當慎遵疊次諭旨督率所部迅速入直並飛催劉銘傳善慶溫德勒克西等軍北來會剿淨掃賊氛河北一帶李鶴年亦當速籌兵勇嚴密堵禦以防賊蹤回竄牛師韓一軍著英翰嚴催入直程文炳如遷延不行北上著官文英翰速行嚴參治罪左宗棠現在行抵何處何以數日並無報來該大臣縱賊入直若再不起緊繞出賊前自問該當何罪耶將此諭知神機營並由六百里加緊諭知官文李鴻章左宗棠英翰丁寶楨李鶴年趙長齡崇厚並傳諭鄭魁

士知之欽此

奏行抵獲鹿遵

旨駐紮仍相機進剿摺

奏爲

微臣行抵獲鹿遵

旨駐紮仍卽相機進剿恭摺馳陳仰祈

聖鑒事竊臣於正月二十一日在井陘途次欽奉

寄諭前據左宗棠馳奏稱行抵介休由固關取道赴直  
當因賊蹤北擾諭令迅速前來現賊已由安平祁州南  
鼠北路情形較鬆劉松山惠昌等軍跟蹤追剿甚爲出  
力丁寶楨亦督兵馳抵雄縣兵力已厚足敷剿辦恐該  
逆聞風回竄晉省平遼等處仍應嚴防左宗棠計程當

可行抵井陘卽著在井陘獲鹿一帶扼要駐紮杜賊入  
晉之路並知會趙長齡派兵於晉東各隘口嚴密布置  
慮有賊蹤竄近卽可整軍以待痛加剿洗將此由六百  
里諭令知之欽此當卽恭錄咨會趙長齡欽遵辦理臣  
於二十二日行抵獲鹿一面安紮營壘分犒士卒將軍  
裝及患病勇士寄頓縣城一面確探賊蹤準備截擊前  
據郭寶昌稟擒獲賊目謝應校訊供張逆總患竄天  
津之意如不能竄則挑留悍賊輕騎馳突冀圖漏網現  
聞賊中被裹人民紛紛逃逸似賊供不爲無因請

飭下三口通商大臣兵部侍郎崇厚山東撫臣丁寶楨  
於河間天津嚴爲扼截臣於劉松山郭寶昌等稟報賊  
蹤南竄時亦飭其催偵賊蹤從容南下臣之此行原求  
力衛

畿甸稍贖縱賊入晉入直之罪現在賊蹤漸南亦當視  
賊所向親旨鋒鏑誓殄此賊以盡愚忱劉松山郭寶昌  
等旣經官文調令跟蹤漸逼俟賊遠出北路然後進擊  
或前途另有大軍前來彼此知會合力痛剿今臣旣抵  
獲鹿自未可拘守一隅坐待賊至惟有力顧晉省東路

由西而東督率所部遇賊卽擊以期迅殄狂氛臣軍會  
集兵力已厚所有節次欽奉

諭旨調歸

徵臣

節制總統已到未到各軍應請

旨仍歸各原省督撫臣及直隸督臣調遣以免紛紜至

晉省東路防軍已兼單蒲而南路垣曲封門口要隘僅

撥制兵三百餘名扼守萬一賊由河北竄走豫軍已調

赴保定勢難趕到賊前設由懷慶攔入則晉省腹地又

將處處糜爛

臣

前調提督劉劬忠率所部由河南東離

渡過河出垣曲扼紮封門口者此也旋准撫

臣

喬松年

賊寇竄難復陷調劉劬忠防剿西路逆回未及入晉此  
路仍屬可虞現值春令漸深可否

飭下山西撫臣轉飭臬司陳湜如河冰漸釋應仍酌帶

所部勇丁分布防守以期周密謹將臣軍行抵獲鹿日

期及現籌辦理情形據實馳陳伏乞

皇太后

皇上聖鑒訓示施行謹

奏  
同治七年正月二十三日

奏擬用倉糧以濟軍食片



再設南一帶糧食缺乏前據劉松山呈稱沿途購辦軍糧甚屬艱難臣抵獲鹿思購備數日行糧亦若不能應手除咨直隸督臣派委得力道府爲臣軍暨劉松山郭寶昌各軍購備軍糧草料以資飽騰仍由營發給價值外誠恐直隸各屬去歲歉收採辦不能足用可否敕下倉場侍郎迅飭坐糧廳撥借漕米一萬石交通水道轉運保定候臣派員迎取以濟軍食之處出自

天恩如蒙

俞允臣即咨行浙江撫臣暨藩司於應解正月二月甘

餉項下劃款買補搭運天津交納以重正供謹附片具  
陳伏乞

聖鑒施行謹

奏 同治七年正月二十三日

軍機大臣 字寄同治七年正月二十六日奉

上諭左宗棠奏行抵獲鹿相機進剿丁寶楨奏剿賊獲  
勝各摺覽奏均悉本日已明降諭旨將現到直隸之各  
省官軍歸左宗棠總統並將王心安賞還原職頂翎矣  
捻之竄陷饒陽經丁寶楨派令王心安帶隊進剿收復

縣城鏖戰兩晝夜將賊匪擊敗該逆現向西南竄遁丁  
寶楨由山東督軍北來首先奮勇派兵擊賊獲勝保衛  
近畿深堪嘉尚著卽整頓師旅相機進剿毋稍鬆勁直  
隸前敵各軍如劉松山郭寶昌喜昌張曜宋慶程文炳  
等所部均距賊蹤不遠何以並未會合進攻僅止王心  
安三千人孤軍深入天津鎗隊練軍與東軍同在一路  
何以亦不會同前進是否有推諉觀望情事著官文崇  
厚查明具奏並著催令各軍乘勢迅速追剿以期一鼓  
殄除現在各路援軍雲集深慮進止不齊未能協力同

心其圍掃蕩左宗棠現抵直境所有前敵追賊各軍均  
著該大臣總統以一號令賊騎飄忽靡定現在追賊各  
軍並著該大臣飭令各將領相機進剿不必往返請令  
拘泥稽延致悞事機左宗棠未經接辦之先所有剿賊  
事宜仍著責成官文遵照前日諭旨責令劉松山郭寶  
昌喜昌張曜宋慶春壽余承恩陳國瑞程文炳等專收  
犄角之勢四面進攻各分隊伍更番疊戰晝夜剿襲以  
免耽延時日至東北兩路仍責成官文丁寶楨崇厚調  
度各軍嚴行防剿東南兩路責成李鴻章嚴密堵禦其

派出進剿馬步隊入直境後亦歸左宗棠調遣以一事  
權西南一路責成李鶴年於直豫交界處所是力扼截  
英翰率所部仍在河南北擇要駐紮與李鶴年聯絡聲  
勢以上各路防務專責成各該督撫如賊由何路竄出  
卽惟何路官軍是問其前敵進剿各軍如有觀望遷延  
不遵調度者左宗棠亦當據是參奏毋得徇隱干咎各  
省官兵各有本省應領之餉倘遇缺乏著官文崇厚隨  
時接濟河南封門口爲入山西垣曲要口據左宗棠奏  
防兵單薄如賊由北回竄晉省難資得力著趙長齡另

派得力將弁扼紮以固晉省門戶其吉州等處河防仍著陳湜在該處辦理左宗棠另片奏請撥坐糧廳漕米轉運保定等語各路援軍前已令戶部撥銀二十萬兩交官文分辦軍需並令崇厚由天津撥解洋米分運直境各處接濟倘有不敷再由官文崇厚酌量奏請撥解倉場所存米石以濟軍食將此由六百里各諭令知之欽此

同治七年正月二十六日內閣奉

上諭左宗棠另片奏請撥座糧廳漕米轉運保定等語

各路援軍前已令戶部撥銀二十萬兩交官文分辦軍需並令崇厚由天津撥解洋米分運直境各處接濟倘有不敷再由官文崇厚酌量奏請撥解倉場所存米石以濟軍食欽此

格致奏稿續編卷十目錄

總統現到各軍籌剿捻逆摺

請分別防剿機宜摺

請直隸抽撥練軍嚴扼固關片

行抵直隸省郊現籌進剿摺

捻逆竄近深州並劉郭喜三軍戰勝片

官軍疊獲勝仗現籌剿辦摺

官軍追捻叠勝現籌合力兜剿摺

請部撥銀兩暫資接濟片



劉松山等請獎敘片

皖豫兩軍另懸賞格片

官軍剿捻迭獲大勝摺

補報郭寶昌戰事片

捻渡滹沱籌防籌剿片

奏總統現到各軍籌剿捻逆摺

奏爲遵

旨總統現到各軍籌剿捻逆恭摺馳陳仰祈

聖鑒事竊臣於正月二十九日在正定營次准兵部火

票選到同治七年正月二十六日內閣奉

上諭欽差大臣左宗棠現在行抵獲鹿所有直隸現到

各路官軍均著歸該大臣總統調度欽此同日欽奉

寄諭仰蒙

聖謨廣運

指授機宜曷勝欽感臣自行抵獲鹿一面派弁確探賊蹤一面採辦軍糧以備裹帶前進二十六日聞賊趨東鹿窺渡漳臣未及候糧卽督隊赴漳沱河北依橋扼紮以防該逆循河西竄旋據探報該逆因水津不得南渡復由東鹿深澤向西北竄走並擾及定州北境適接劉松山郭寶昌來稟兩軍於正月二十二日四鼓會同安住馬隊在饒陽西北王岡西張岡襲賊獲勝斃賊約四百名北騾馬三百餘匹解散脅從二千餘名至二十五日已追入深州境內而賊從西北詭避復向北趨臣

比卽移駐正定東北以各營自獲鹿至正定官紳購辦糧草不敷日用東北一帶採辦尤難不得不稍謀裹帶以備戰事正在催糧拔隊間接張曜宋慶稟報二十七日馳出賊前自保定西路迤紮至滿城山麓出隊截剿獲勝克遏狂氛賊已折向南竄矣並據張曜等稟稱劉松山郭寶昌已馳抵保定臣比卽由新樂赴定州一面咨行現到直隸之各路官軍在賊之北者向南壓剿在賊之東者自東北向西南進剿在賊之西者自西北向東南進剿各將前進日期報臣以便相機籌辦各軍亦

互相知會聲勢聯絡步步逼壓如至漳沱河北各軍厚  
集機局緊湊卽蹙賊於河濱倘各軍距賊遠近不同不  
能如期並至卽俟該逆渡河後北路局勢更穩再痛加  
剿洗臣至定州後如賊逾定州東南臣亦卽移營南下  
與各軍聯絡進剿一切機宜謹當與署直隸督臣山東  
撫臣河南撫臣妥爲商酌所有現籌剿賊情形謹繕摺  
馳陳伏乞

皇太后

皇上聖鑒訓示施行謹

奏 同治七年二月初二日

軍機大臣 字寄同治六年二月初五日奉

上諭左宗棠奏總統各軍籌剿捻逆一摺所陳三路進兵并令各軍互相知會聯絡聲勢爲步步進逼之計布置頗合機宜惟賊勢現由邢定高陽分擾任邱河間意在東撲天津昨已諭令官文於潘鼎新程文炳兩軍內揀派得力之軍馳赴雄縣任邱大城等處分紮扼截東北矣丁寶楨現住河間楊飛雄陳濟清等分紮鄭州任邱其河間以南阜城景德等處尙覺空虛賊騎避兵繞

竄踰隙乘虛是其慣技左宗棠現住正定距前敵較遠  
應行移紮何處并如何調撥各軍扼截或分路進兜以  
剿爲防杜賊竄津並紛竄東北之處均著該大臣懷遵  
昨日諭旨相度機宜酌量辦理將此由六百里諭令知  
之欽此

請分別防剿機宜摺

奏爲謹擬分別防剿機宜恭摺馳陳仰祈

聖鑒事竊臣於本月初二日在正定營次具陳籌剿情

形後據探報賊踪竄蠡縣高陽一帶劉松山郭寶昌喜

昌各軍均赴安州截剿昨於初三日欽奉二月初一日

寄諭潘鼎新程文炳兩軍甫經趕到著卽在北面穩紮

以固京畿門戶藉可暫事休息其餘張曜宋慶劉松山

郭寶昌喜昌等軍均著官文催令分路進攻務須由北

向南節節壓剿以期痛殲醜類左宗棠著由西南一路



趕緊進次以期兇裏嚴密等因欽此臣維捻逆慣技在  
飄忽馳騁避實乘虛始猶馬步夾雜近則掠馬最多卽  
步賊亦均乘馬臨陣則步賊下馬挺矛攢刺而騎賊分  
抄官軍之後其乘官軍也每在出隊收隊行路未及成  
列之時遇官軍堅不可撼則望風遠引瞬息數十里俟  
官軍追及則又盤折回旋亟肄以疲我其欲東也必先  
西趨其欲北也必先南下多方以誤我賊馬而我步賊  
輕捷而我重贅賊恣掠而馳官軍必待糧而走賊專用  
長矛官軍則必兼用鎗礮賊之輜重少官軍之輜重多

故賊速而官軍遲尾追之戰多迎頭之戰少盤繞之日多相持之日少也現在諸賊妄圖北犯暫無南竄之意直隸地勢平行無岡阜塘灤足限戎馬主客各將領身經百戰與劇賊周旋日久非不思迅與驅除早圖蕝役也而局勢固有難焉者賊蹤現距

京畿不過三百餘里官軍南趨賊必北嚮追官軍折而北趨慮將又落賊後一也現在諸軍均幸已繞至賊北矣然賊由東南而西北諸軍盡馳而西賊由西南而東北諸軍又將盡馳而東無論往返奔馳兵力必漸形勞

億且悲官軍遊聚一方狂寇有時或且乘虛肆逞終遂  
其北犯之計二也劉松山郭寶昌喜昌與臣書均頗以  
此爲慮而欲於近

京之處設立重防然後放心向南縱擊臣維

畿內西南路以涿州爲總要南路以固安爲總要茲值  
各軍雲集應請

欽派樸健將領率勁旅兩支一駐涿州一駐固安責令  
嚴防以重形勢此爲近防之軍卽賊蹤稍遠亦未可遽  
撤也保定河間天津三郡鼎峙保定距河間近而天津

距河間稍遠現有重兵在河間如天津有警尚可橫出  
截之然三郡屏蔽

畿郊防軍倘涉空虛必多罅隙此爲且防且剿之軍須  
隨時調度不可併聚一方亦不可悉數南下也其進剿  
之軍則視賊所向併力攻剿如將逆賊逼過滹沱則與  
山東河南諸軍共收夾擊之效如賊逸出而北則與保  
定河間天津諸軍共收夾擊之效較之專防而不能剿  
專剿而無以爲防者稍覺周妥

臣謹擬就

諭指前敵各軍遵

旨分別調撥以專責成庶冀剿足以剿防足以防無前  
突後竭之虞無顧彼失此之患辦理或可漸有把握惟  
智小謀大力小任重不敢不慎之又慎耳臣於初四日  
行抵定州因沿途雇覓車馱極艱而派員購到軍糧已  
解新樂及軍火落後者無車馱裝運阻滯不前定州雖  
可橫出高陽而軍無隔宿之儲道出祁州博雅一帶新  
遭蹂躪無從採購軍糧萬難由此前進擬徑由望都以  
抵保定與官文通盤商籌布置及各軍糧料轉運事宜  
即赴前敵督率諸軍一意進剿前奉

帝諭前敵進剿各軍如有觀望遷延不遵調度者左宗  
棠當據實參奏毋得徇隱于咎臣膺茲重任又正當罪  
罍山積之餘更何忍稍遲已私致誤大局不但與各督  
撫臣商確一切孰取和衷卽諸將領功過所在臣旣履  
行間自當一秉至公據實上達倘有私毫欺隱屈抑戰  
功抑或有意姑容致涉徇縱皆足以失軍心而隳衆志  
一經

聖明察出更將何地自容臣雖至愚極陋不敢出此所  
有預擬分別防剿及取道前進事宜謹拜摺馳陳伏乞

皇太后

皇上聖鑒訓示施行謹

奏  
同治七年二月初六日

請直隸抽撥練軍嚴扼固關片

再  
臣 疊次欽奉

寄諭以井陘爲入晉大道

命臣嚴防查獲鹿入山逾太行至晉境以固關爲最險  
但得一千箇額之師扼守關隘賊騎斷難挺走該處糧  
旣不足井泉亦少駐軍太多無所飲食臣旣奉

命統營軍進剿日趨東北勢難兼顧固關臣所部五千  
人又未便再事分撥致單兵力應請

敕下直隸臣抽撥練軍一千人迅往固關嚴扼入晉  
之路倘賊踪西竄前阻關隘後有追師山逕不能馳騁  
必難善脫也謹附片馳

奏伏乞

聖鑒施行謹

奏

同治七年二月初六日

軍機大臣

字寄同治七年二月初八日奉



上諭左宗棠奏分別防剿機宜并請派練軍駐紮固關  
各摺片覽奏俱悉成勢現由獻縣竄擾青縣涿州一路  
有神機營駐紮丁寶楨現任河間即可北顧固安一帶  
本日已諭令撥兵馳赴大城任邱等處會合津軍嚴密  
扼紮并諭令左宗棠官文進剿劉松山郭寶昌喜昌張  
曜宋慶等軍專意進剿程文炳暨春壽所統馬隊分赴  
任邱大城各處協力防剿保衛畿南矣前據神機營王  
大臣奏擬請各路統兵大臣并各督撫分路防剿當經  
諭令左宗棠官文專顧西北現在賊勢趨重東南津郡

喫緊兵力又單保定一帶情形稍鬆左宗棠日內計已  
到省即著與官文商度機宜并迅催各軍分路進攻或  
統前迎擊或躡踪追剿不可稍形鬆懈恭親王等距前  
敵較遠左宗棠當即馳赴東南迅督各軍迎頭截剿痛  
掃逆氛一切進止務宜不必專候神機營指示以期迅  
速其西北一路防務即著黃成官文辦理固關一路空  
虛可慮著官文酌派得力直軍一千名交唐訓方統帶  
或另派統將帶赴該處防堵以杜賊匪回竄晉昌將此  
由六百里各諭令知之欽此

行抵直隸省郊現籌進剿摺

奏爲

臣

軍行抵直隸省郊現籌進剿情形恭摺馳陳仰

祈

聖鑒事竊

臣

於本月初七日已刻督隊馳抵直隸省郊

駐營黃家莊自定州以北各站糧不敷用所帶行糧支  
食無餘軍裝輜重因雪消泥深半滯中道就省換車尙  
須湊集臣一面與官文憲商防剿機宜一面催趲軍裝  
採辦行糧卽出高陽相機進剿適准崇厚來咨捻逆游  
騎逼近青滄津南喫緊旋據深州探報賊騎於初四日

回竄州境距城僅十餘里等語賊情狡詭難保非西南游駛牽誤我軍仍還其圖犯津沽之計臣抵高陽後如賊仍趨東路臣卽馳赴天津之北向南壓勦如賊由深州西南竄走卽檄程文炳自高陽急起追截臣亦卽由東北而西南檄諸軍奮擊現已飛飭前敵各軍偵賊所嚮分道兜剿並合力顧津南一帶矣臣少宮文十四歲筋力較可支持臣旣親赴前敵督剿有人而保定城屏蔽

畿郊最關緊要督臣出省人心不免驚疑且恐逆蹤顯

暫靡常出省之後仍須回顧翻不如從容靜鎮免啟戎  
心官文現正料理前進臣勸其少緩候

旨遵行應否

飭官文留鎮省垣之處出自

聖裁所有臣軍行抵保定現籌進剿情形謹繕摺馳陳  
伏乞

皇太后

皇上聖鑒訓示施行謹

奏  
同治七年二月初十日

赫逆竄近深州並劉郭喜三軍戰勝片

再正拜摺聞欽奉二月初八日

寄諭並遞回

批摺跪讀之下仰見

宸謨廣遠

訓示周詳莫名欽感領接深州稟報大股捻逆竄近州境而郭寶昌稟報初四夜與劉松山喜昌會軍進剿大獲勝仗追賊由西南竄走是賊現竄近深州而滄青界內已無賊也所有各軍初四夜戰勝情形容續詳細報

陳謹附片具

奏伏乞

聖鑒謹

奏  
同治七年二月初十日

軍機大臣 字寄同治七年二月十二日奉

上諭左宗棠奏行抵保定現籌進剿并劉松山等奮  
獲勝各摺片捻逆在獻縣境內被官軍剿敗折向深州  
一帶竄擾劉松山郭寶昌喜昌等業經各率所部會同  
追擊左宗棠卽著出省馳赴前敵嚴檄該將士等實力

兇勦迅殄賊氛勿任匪蹤到處蹂躪青滄界內無賊東  
路情形稍鬆該大臣當由東北適向西南痛將賊匪剿  
洗勿任回竄程文炳一軍卽著飭令由高陽一帶視賊  
所向節節進剿毋庸調赴大城任邱一帶春壽所部馬  
隊并山東新到之吉林黑龍江馬隊千五百名著左宗  
棠官文飭令春壽一併帶赴前敵會剿官文卽著留駐  
省城嚴防北路并接濟前敵各營軍火糧餉勿令缺乏  
賊勢漸趨西南固關爲山右門戶防守緊要前經諭令  
官文酌撥唐訓方帶兵千名或另派得力兵將前往該



處防守著卽傳遵前旨妥速辦理山西平定盂縣一帶  
併遼州各山路要隘著鄭敦謹迅速派兵堵扼以杜賊  
竄晉疆之路毋稍大意將此由六百里各諭令知之欽  
此

官軍疊獲勝仗現籌勦辦摺

奏爲官軍兇剿擒逆疊獲勝仗現籌勦辦情形恭摺馳  
陳仰祈

聖鑒事竊劉松山等於本月初四日在猷縣南家堡等  
處大獲勝仗後擒逆復向東南折竄初十日劉松山郭  
寶昌海昌均向東追勦出賊之北賊踞澤州東南二十  
餘里高舖頭五子台一帶劉松山等緘約張曜安慶自  
西北向東南進發劉松山等自北而南兩面夾擊是夜  
四鼓出隊劉松山在右郭寶昌在左喜昌馬隊反劉松

山郭寶昌所部馬隊分爲右路之右左路之左進至高鋪頭天色微明該逆馬步散處各村驚遽失錯賊向西南紛竄各巢之賊同時驚亂劉松山亟飭所部分道驟進當將賈城五口等村賊巢十餘處一律攻破斃賊甚多敗賊悉向北梨園村竄走各軍蹣跚追及逆首張總愚率悍賊數千冒死返撲劉松山督隊鏖戰間郭寶昌已將五子台等處賊巢攻破馳至合隊聲威更盛奮力衝殺斃賊數百名賊不能支悉向南敗走喜昌所部馬隊復將馬隆莊馬莊趙家馬頭南梨園鄭家莊一帶踞

賊擊敗賊三百餘名馬步各軍追勒二十餘里至陳  
家莊沿途斃賊尤夥劉松山等恐尾追太急該逆復折  
而北商定直向西路十一日酉刻抵深州迤西之東陽  
頭收隊是役劉松山郭寶昌喜昌各軍共擒斬悍賊一  
千餘名奪獲騾馬軍械無算解散脅從數千名官軍陣  
亡五名受傷三十二名此十一日官軍在深州東南剿  
擒大獲勝仗之實在情形也十二日五鼓劉松山郭寶  
昌宋慶喜昌分道西進至東鹿屬之舊城一帶聞賊正  
向邢州北竄各統所部掣向北趨卽趨行前進中途遇

賊卽擊馬隊徑穿賊陣將賊衝爲數段步軍乘勢蹙之立刃悍賊數百奪賊騾馬五百有奇逆賊紛紛敗竄不復能如常日之堅悍矣蓋倉卒抗拒尙未成列也十三日午刻追至博野屬之南鄧村忽據探報賊向東來遂合排隊迎擊正進隊間賊騎已圍撲郭寶昌各營劉松山催隊亟由郭寶昌隊伍東南面馳出迎擊分中左兩路進郭寶昌由右路進寶昌馬隊張雨翼夾擊劉松山郭寶昌所部馬隊直前衝鋒大股騎賊分作數十團蜂擁突至步賊繼進官軍奮威猛進鎗礮環轟賊騎紛紛

敗潰尤賊望塵先遁官軍乘勢掩殺宋慶等適由北面  
壓勦而來軍威益壯賊悉向西竄各軍合追二十餘里  
收隊而還方賊之衝撲郭寶昌營盤也郭寶昌乘輕騎  
來臣宗棠行營商議進勦機宜開道回營之際突向衝  
撲參將郭運昌等出隊擊之郭寶昌行近本營二里隨  
身僅騎卒三十耳賊漸馳而前識其爲郭寶昌急喊死  
驚聞之數重副將王鳳鳴率隊來援郭寶昌與隨身騎  
卒左右馳突戮斃悍賊數名始得與王鳳鳴會合于總  
岳正江力護王將被鎗子中胸前陣亡已保知縣府經

慰方閭第在後遇害傷亡兵勇十餘名此十三日各軍  
在博野境內截剿獲勝之實在情形也是日臣宗棠適  
抵蠡縣聞賊東趨出隊邀擊賊之探騎爲臣軍擒斬十  
餘名獲騾馬十餘匹比聞賊聞郭寶昌營加隊助剿未  
至而賊已敗遁矣臣宗棠於十一日出高陽與程文炳  
會晤十二日至蠡縣十三日將輜重分寄縣城十四日  
西行追賊行抵望都之界南村與劉松山喜昌宋慶會  
晤知賊踪南竄沿途循問漳沔河橋梁水勢慮其由正  
定趨獲鹿乃與各將領計議以張曜宋慶兩軍自祁州

東面南下向西南逼則約松山郭密昌德昌各軍自北而南兼顧西路亟檄程文炳趨正定期壁賊於河濱臣卽於十五日進至邳州南四十里之北張村十六日於海澤道中聞張曜來應劉松山郭寶昌等擊賊獲勝賊悍賊又多尙未接據各軍呈報途次詢問鄉民前此賊過時踞村落八九十處今僅古二十餘處軍械拋棄過多有並無兵器者賊勢不爲不蹙但苦無險阻以限其狂奔之路尙未能迅速嚴事現已添調春壽善慶馬隊馳赴前敵以利追奔但期逼向西南則局勢較易得手



臣等和衷協力共籌防剿以冀仰紓

宸廑所有官軍剿擒屢勝及現籌兜剿情形謹合詞恭

摺

奏伏乞

皇太后

皇上聖鑒訓示施行謹

奏

同治七年二月十八日

軍機大臣 字寄二月二十二日奉

上諭旨文左宗棠奏深州等處勦賊獲勝並李鴻章奏

安平勦賊疊勝各一摺覽奏忻慰具見該大臣等調度  
有方將士用命本日已明降諭旨宣示卽著官兵左宗  
棠李鴻章乘此聲威迭飭各軍商同兜剿魔之憐范河  
濱一鼓殲除同膺懋賞所有劉松山等軍陣亡之官兵  
及千總岳正江知縣方開第均著左宗棠查明奏請優  
卹李鴻章所部之陣亡提保總兵銜副將尹昌景參將  
擬保副將龔興祖均著交部從優議卹見在賊勢已蹙  
左宗棠擬添調春壽善慶馬隊以利馳逐春壽所部馬  
隊前本有旨會同陳國瑞步隊作爲游擊之師左宗棠

係統兵大臣卽著隨時調度將春壽陳國瑞一併調赴  
前敵以資攻剿兼可相機策應各軍李鴻章因景德空  
虛恐該逆被剿東竄津郡又形喫重見飭周盛傳挑隊  
徑趨武強小河口截剿爲郭松林等後援兼以屏蔽東  
路該大臣擬暫駐景州卽著照所請辦理倘賊有向東  
北竄逸之信仍著該大臣進紮河間以資堵剿丁寶楨  
卽著飭王心安等軍相機提紮隨時偵探毋致稍有疏  
失崇厚亦當飭令陳濟清等軍加意防範不可以賊踪  
略遠稍涉大意保定一帶仍著官文妥爲防範毋令乘

問鼠逸是爲至要將此由六百里各諭令知之欽此

官軍追擒疊勝現籌合力兜剿摺

奏爲官軍追截擒逆疊獲勝仗賊由東南折竄東北被  
擊忽向西南現籌合力兜剿恭摺奏祈

聖鑒事竊本月十三日以前剿賊獲勝情形

臣

等已於

十八日恭摺陳報十五日午間宋慶率所部行抵深澤  
縣南十餘里逆騎千餘三面馳至當經宋慶擊敗是夜  
二鼓張曜率所部繼至合隊劉松山等調悉賊踪囑聚  
深澤縣南二十餘里各村當緘約宋慶張曜兩軍由北  
而南劉松山自與郭寶昌喜昌各軍由西北向東南進

勦宋慶亦偵知城南三十里西華集一帶賊館甚多卽與張曜商乘夜襲勦三鼓後銜枚疾進十六日寅刻直逼西華集派隊由左右先鈔賊後各率精銳奪卡而人賊正噤黨抗拒忽聞官軍鈔至村後遂駭而奔官軍分股壓勦將西華集賊踞一帶村莊奪回敗賊向南潰逃漸又向東官軍蹣踪追勦該逆未敢回拒計生擒悍賊一百餘名斬殺無算解散脅從尤眾各村遺棄騾馬輜重不計其數比劉松山等督隊逼近賊巢聞東西炮聲知宋慶等已在接仗催軍亟進劉松山由左郭寶昌

由右喜昌及全福馬隊進右路之右劉松山郭寶昌所  
部馬隊進左路之左西面賊巢悍逆正圖向東援應東  
面之賊忽被馬隊衝擊其小教村之賊爲馬隊截斷該  
逆不及竄遁被官軍擒殲殆盡各軍躡追二十餘里薄  
暮收隊計共斃老賊數百名救出難民無數賊中拋棄  
軍械沿途甚夥此十六日宋慶張曜劉松山郭寶昌喜  
昌各軍東西夾擊大獲勝仗之實在情形也先是屢據  
探報賊愈滯沱河水勢甚涸決意竄過是日呂宗棠行  
營在賊北五十餘里賊騎東西橫出有西南趨晉州境

者慮其於藁城晉州交界之陳村桃園涉淺及由正定  
過橋因與各將領計議以宋慶張曜赴東北路劉松山  
郭寶昌喜昌馬步軍赴北兼顧西面其程文炳一軍與  
臣崇棠親軍赴西路十六日據程文炳報稱賊在深澤  
南路潰敗後已折向東北卽飭程文炳改赴東北會剿  
而自率親兵各營赴無極擬蹙賊於陳村桃園水濱也  
是日中西間賊至安平西北適李鴻章前隊郭松林楊  
鼎勳兩軍自景州武邑武強繞至安平與賊相值該兩  
軍接仗情形已由李鴻章馳報矣十七日賊眾竄至饒



陽東三十里左右之孔中旺蔡家莊前南旺村一帶劉  
松山郭寶昌喜昌程文炳宋慶張曜各軍均集饒陽乘  
夜分路進剿十八日丑刻程文炳由西南面進攻前南  
旺村一帶劉松山郭寶昌喜昌宋慶張曜由東北面分  
道齊進程文炳一軍行二十餘里聞賊中吹角聲亟催  
軍疾進程文炳督同總兵李得勝提督銜總兵李鎮國  
三路排進以總兵劉先文在後策應賊眾益棄輜重向  
東南狂奔當將前南旺村餘賊四五十名搜殺淨盡督  
隊躡追劉松山等各軍由東北面壓剿而前已將賊眾

所踞各村奮固器械甚夥天明各軍會合四面兜擊該逆力不支策馬紛竄受傷不計其數向南奪路而走各軍躡追二十餘里沿途擒斬甚多直至獻縣西河低村始各收隊是役共斃悍賊七百餘名生擒二百餘名拔出難民數千人奪獲騾馬器械無算此十八日劉松山郭寶昌與程文炳宋慶張曜各軍兜剿獲勝之大略情形也是夜賊由饒陽以南向西竄走據郭松林楊鼎勛呈報十八九兩日擊賊獲勝賊趨深州等語十九日劉松山等均向西追剿二十日追至距晉州二十里之

石村偵知賊騎已至晉州西南慮其折向北趨乃分兵  
向西北繞進二十一日賊騎果向西北比見官軍立即  
駭遁折向東南竄走各軍分追追擊均有斬馘二十二  
日抵澤州東十里之張姓莊詢悉該逆踞宿大洪營一  
帶剽松山飛緘約各軍進剿劉松山由右郭寶昌由左  
馬隊在步隊兩傍張翼以進賊見官軍至即向東潰走  
各軍乘勢追擊其左路王家莊之賊不及出村經郭寶  
昌所部攔斬甚夥各軍合追二十餘里沿途殺賊尤多  
是役共擒斬悍賊約三百餘名奪獲軍械騾馬無數拔

出難民尤眾此二十一二兩日劉松山郭寶昌喜昌各軍追剿獲勝之大略情形也臣宗棠於十七日追賊至無極之石村聞賊折向東南擬卽改赴東路而行營已乏糧三日途中零星採買日不敷食不得已於十八日馳至正定將派員購到之糧裹帶以行比思直趨河間二十三日行過肅符五里駐紮牛軍莊賊從東南而西南稍折而西北仍向東南至是被各軍追急忽向東北竄至肅寧比據探馬回報賊騎已突近副將楊鳳元營門楊鳳元率馬隊數十騎迎擊步隊繼進賊分正南東

南西南三路猛衝而來楊鳳元派隊分投截剿鎗矛並  
進斃賊多名被創落馬者無算生擒四十餘名奪獲騾  
馬百餘匹賊與楊鳳元短兵相接之際疑爲郭寶昌馬  
隊比知臣宗棠親軍且戰且走步隊各營成列而出楊  
鳳元已向西南追擊數里而還時已昏黑賊騎皆狂奔  
而去矣是夜四鼓楊鳳元復與哨長馬開先分帶馬隊  
乘霧追襲鎗斃賊匪多名賊眾驚潰遺棄騾馬旂械不  
可勝數二十四日黎明臣宗棠督親軍及各營跟踪追  
剿行約二十餘里追及斷後騎賊當飭提督楊和貴副

將楊鳳元都司丁太洋等各派馬隊數十騎直前衝擊斃賊數十名傷者無算生擒百餘名分別斬釋餘賊向西南狂竄難民乘間得脫者將以千計奪獲騾馬五百餘匹其道棄中途之騾馬不下一千匹悉任鄉民牽去禁軍士爭取以免亂行訊據生賊供二十三日賊伺隙向東北奔竄不意官軍突起迎擊將賊截爲二段直至二十四日午後始繞避官軍悉向西南合股等語適程文炳馬隊馳至卽調集所部馬步各營向西南排進復追二十餘里至博野屬之莊河頭收隊程文炳二鼓後

卽出隊已飭向祁州歸剿臣宗棠於二十五日西北向

隆縣以顧高陽前路此二十三四日臣宗棠親軍被勦

擒逆跟踪追擊兩獲勝仗之實在情形也自初四日獻

縣獲勝後大小已十餘戰以二十八日兩戰爲大捷

然各軍步多騎少賊稍受創卽絕迹狂駛未能一鼓兜

擒臣宗棠有催調馬隊趕赴前敵之議賊經屢敗之今

勢甚窮蹙其黨或薙髮潛逃或臨陣乞撫賊情似已和

解十一日之役郭寶昌陣前受騎賊頭目張九兒隨帶

騎賊三十餘名之降並陣斬賊目方黑兒劉連李廣人

劉鳳山謝哀兒吳長法等十八日之役程文炳陣獲賊  
曰陳清元王大忠等又據生賊供稱十八口之戰賊首  
李老懷已於陣前伏誅等語劉松山曾報陣斬賊目數  
名未詳其名凡臨陣擒斬賊中大小頭目無暇審訊非  
偶遇降人持認則固不知誰何也據程文炳面稱二十  
二三兩夜劉松山郭寶昌喜昌宋慶張曜等軍均有戰  
事尙未得其呈報卽十六日之捷據程文炳呈報前來  
而劉松山郭寶昌喜昌宋慶張曜呈報未至尙未悉其  
戰事詳細情形蓋臣宗棠行營無二三日停駐加以東



西陲定文報固有時統道淹滯耳俟查有擒斬賊目再  
當續報其郭松林楊鼎勛兩軍戰事應由李鴻章陳報  
臣等但就其時日彙敘軍情賊勢不復重敘接仗情形  
以歸簡要據賊中逃出難民衆稱自十三四兩日自祁  
州起至今十餘夜馬不解鞍人不安臥聞鎗炮聲卽驚  
呼駭亡其窮憊情形可想而官軍亦皆數晝夜不遑休  
息矣臣宗棠一俟探的賊踪與將領計議卽拔隊再進  
激勵將士更番迭戰設法兜剿期殲賊於滹沱河濱所  
有官軍追剿擒逆奪獲勝仗及現籌兜剿情形謹合詞

恭摺馳報伏乞

皇太后

皇上聖鑒訓示謹

奏

同治七年二月二十七日

同治七年二月二十七日內閣奉

上諭官文左宗棠奏追剿捻逆疊獲勝仗一摺前據官  
文左宗棠奏報本月十三日以前剿賊獲勝情形業經  
降旨宣示十六日未慶張曜劉松山郭寶昌喜昌追賊  
於河澤境內將西華集一帶賊巢攻破其小教邱之賊

亦擒殲殆盡乘勝追殺沿途斬賊甚夥敗賊竄向安平  
經郭松林等截擊大勝已據李鴻章馳報賊自安平擊  
敗後竄入饒陽劉松山郭寶昌喜昌程文炳宋慶張曜  
各軍於十八日分路進剿程文炳催軍進擊賊眾狂奔  
將南旺村餘賊搜殺跟踪進躡劉松山等軍亦將賊  
踞各村奪回會合兜擊逆眾不支紛紛敗遁二十一二  
等日復追及於深州境內均有擒斬二十三日賊敗竄  
至肅甯副將楊鳳元率隊迎擊短兵相接賊又大敗乘  
勢追襲餘賊向西南狂奔程文炳率所部跟追直至博

野縣境先後其獲賊目方顯兒等多名擒斬悍賊不計其數救出難民數千奪獲器械牲畜無算賊勢大蹙勦辦甚爲得手劉松山郭寶昌舊昌程文炳宋慶張曜追勦此股賊匪晝夜奔馳迭獲勝仗實屬奮勇出力劉松山著賞換達桑阿巴圖魯名號郭寶昌著賞換法福靈阿巴圖魯名號宋慶著賞換格松額巴圖魯名號張曜著交部從優議敘舊昌程文炳均著交部議敘以示鼓勵仍著左宗棠等激勵各軍同心滅賊迅竟全功官文前奏張曜宋慶批援迅速安住亦督隊奮勉當令傳旨

嘉獎俟立有戰功卽行獎勵此次張曜宋慶旣因勦賊獲勝予以恩施已革副都統安住著開復革職留營處分其餘各營將士俟立有功績再行分別加恩該部知道欽此

請部撥銀兩暫資接濟片

再臣宗棠隨營餉銀並山西解到正月分協餉動用外現僅存萬餘兩各營酌發每月鹽菜銀兩及各路採辦糧料各項費已不資茲值各軍協力奮剿所需賞項尤應及時發給需用更繁且亟臣宗棠糧台所收餉銀正

應迅解陝西以濟急需非待四成洋稅及籌借洋款收到一二批不能勻解行營值此兵機順利需用甚迫之際合無仰懇

天恩飭部迅撥現銀五萬兩交臣宗棠行營暫資接濟由臣宗棠分別歸款報銷謹附片具陳伏乞

聖鑒施行謹

奏  
同治七年二月二十七日

劉松山等請獎敘片

再劉松山郭寶昌兩軍上年十一月間克復陝西綏德

州城呈請敘出力員弁臣宗棠接其呈報之日已在賊渡黃河之後當以賊渡黃河未能遏截暫停獎敘查綏德之役在捻逆渡河前十餘日該兩軍員弁實有微勞且自劉松山郭寶昌由晉入直屢著戰功劉松山郭寶昌蒙

天恩優敘所部員弁轉戰山西河南直隸三省又已三月可否將該兩軍克復綏德州戰功彙歸入直後各戰先行

給子獎敘以資鼓勵出自

逾格鴻施至劉松山郭寶昌未得清字勇號可否

賞換清字勇號以示獎勵之處亦出

恩施謹附片具

奏伏乞

聖鑒施行謹

奏  
同治七年二月二十七日

皖豫兩軍另懸賞格片

再各省赴直之軍由各督撫

臣

挑選勁旅迅速啟行其

薪糧均由各省照舊章支放而舊章多寡之數不同即



如楚湘淮各軍勇丁每名每日一錢四分親兵每名每日一錢五分長夫或一錢二分或一錢不等大致不甚懸殊勇夫尙無異說惟皖豫兩省舊章則每名一應領銀一錢或八分長夫六分當其在本省征剿時糧價平減雖爲數無多尙堪敷衍又有別議津貼者故軍情亦習而安之現在入直正值年荒物貴之時糧食翔貴軍士所領餉銀無多情形支絀欲普議增加則于各該省餉章有碍欲置之不論則彼此相形之下未免厚薄攸分臣等何敢存見好要譽之心然念此中關係軍

情慮無以鼓其樂事赴功之念再四籌維惟有于皖豫  
兩軍懸立首級賞格斬逆首逆級一顆聰明髮長一  
尺以上者給銀二十兩髮長五寸以上者給銀五兩近  
尺者給銀十兩其餘鎗炮轟斃不能指出出力之人及羣  
矛攢刺接仗之際未及割取首級者亦由各將領據實  
報知臨時議給賞犒銀兩其奪獲騾馬者亦准酌給賞  
銀藉鼓勵之資爲津貼之費庶可合眾志以賦同仇楚  
湘淮各軍口糧優厚自不能以此藉口至逆首張惲馮  
張五黑及賊中各頭目之稍著者生擒陣斬從優懸上

賞格則各軍一律無庸區別以作士氣而速戎機似較有益此項賞犒銀兩應請

旨准其作正開銷是否有當伏乞

聖鑒訓示施行謹

奏

同治七年二月二十七日

軍機大臣 字寄同治七年二月二十九日奉

上諭左宗棠官文奏追剿捻逆迭獲勝仗請撥餉銀并調劑皖豫兩軍餉項各摺片李鶴年奏豫軍追剿迭勝布置情形一摺覽奏均悉捻逆盤旋於深澤晉州饒陽

清苑獻縣肅甯無極等處屢經官軍擊剿獲勝擒斬甚多本日已明降諭旨宣示并將出力之劉松山等分別獎勵矣捻逆被各路官軍痛剿折翼狂奔自東南逃向東北復由東北折向西南勢極窮蹙正宜乘此機會力圖盡殲滹沱河水勢消長無定若不乘此水漲之時亟行殄滅設被賊騎搶渡而南蔓延將何底止郭松林楊鼎勳等軍自安平饒陽獲勝後見在進剿情形何如日久未據李鴻章奏報著即迅速陳奏左宗棠李鴻章官文等務當振奮精神合力同心共圖聚殲之舉不可稍

涉延緩致誤機宜丁寶楨亦當於河間西南兩面嚴密防剿與左宗棠李鴻章各營和衷共濟互相聯絡不可稍分畛域皖豫兩省赴直援剿各營勇糧月額較湘淮等軍數少左宗棠擬於皖豫兩軍斬獲首級奪獲騾馬加懸賞格藉資津貼等情均著照所議辦理該大臣隨營餉項不敷著戶部迅撥現銀五萬兩解赴該營應用以濟急需卽由左宗棠隨時籌撥戶部歸款該大臣當趕緊督軍滅賊勿再遷延左宗棠另片奏請將陝省克復綏德州城出力各員并獎勵等語劉松山山郭寶昌

在直境勦賊出力本日已加恩賞給清字勇號其餘出力各員并著准其彙入直隸戰功案內擇尤酌保勿許冒濫李鶴年所奏豫軍戰勝情形與左宗棠所奏大略相同牛師韓方長華兩軍分紮楚旺臨漳兩處馬德昭一軍改紮滑潞之交卽著李鶴年飭令嚴密堵禦設遇賊匪搶渡漳沔南竄卽令此起防軍迎頭截擊以杜蔓延陝豫交界處所仍著該撫隨時防範毋稍大意將此由六百里各諭令知之欽此

官軍剿擒叠獲大勝摺

奏爲官軍追剿擒逆叠獲大勝恭摺馳陳仰祈

聖鑒事竊擒逆于二月二十二日由深州折向東北竄走其前隊至肅寧者經臣宗棠擊敗復向西南二十三  
日薄暮事也續據永慶張曜稟報是日兩軍疾追百餘  
里探悉賊踞饒陽東北王莊曲里溝輪一帶尙隔五十  
餘里永慶張曜以各軍節次五更擊賊賊數受創輒于  
三更先行覓路奔竄以避官軍乃各定計先時進剿激  
勵將士銜枚疾起甫交三更逼近賊館當卽挿軍猛撲

直指邱道及僞幼沃王張五孩卽張五黑所踞兩大村  
進擊其零星賊騎則置之賊于驚亂之際猶思抗拒官  
軍奮力冲擊立將邱張兩逆所踞大村攻毀矛刃齊揮  
斬殺無數邱道一股剿洗殆盡逆首張總愚復糾集四  
面踞賊抵死回撲宋慶張曜分股接戰鎗矛叢擊計一  
時許賊勢不支亡命奔竄其下馬死拒之賊皆不及上  
馬驚遽失措官軍乘勢掩殺賊屍枕藉敗賊向北狂竄  
復遇臣宗棠親軍擊退以時計之正四更大霧中副將  
楊鳳元與哨長馮開先率輕騎追擊時也宋慶張曜兩



軍是役生擒賊眾八百餘人內有賊目張立堂蘇付恩  
陳小奎等三名張立堂卽七丈隊賊酋之一尙有積年  
髮捻二百十三名均卽訛明正法陣斃悍賊甚多奪獲  
騾馬二千數百匹旂幟長矛鎗炮共二千三百餘件賊  
目龐四印率騎賊一百三十餘名脅從難民四百餘名  
跪道旁乞降宋慶張曜受之此二十三日宋慶張曜兩  
軍乘夜追剿大獲勝仗情形也其程文炳一軍二十四  
日與臣宗棠追賊至安平北二十五里之莊河頭一帶  
二更後由安平新店拔隊疾馳六十餘里甫交五更偵

知賊在深晉接壤之王家莊段家莊馬村等處將馬  
匆一秣不敢入村卽向西南狂遁程文炳卽飭總兵李  
得勝向西南抄擊總兵李振國從北路橫截自率總兵  
劉先文叅將王心忠從後躡追又行十餘里王心忠率  
馬隊在前遙見賊騎二千餘結陣以待程文炳知爲賊  
中斷後悍賊飭王心忠縱馬進擊劉先文率步隊飛馳  
策應並催李振國等兩面齊進鎗礮環施烟霧四塞賊  
不測官軍多少驚悸敗潰官軍三面邀擊追殺十餘里  
至深澤縣西之梨村計肅斃及陣斬之賊約三四百人

生擒數十名奪獲騾馬五六百匹拔出難民不下三千  
餘人據難民供稱張五孩受鎗子傷故賊騎皆驚惶紛  
竄不敢戀戰等語程文炳恐賊由正定過橋督隊向正  
定進發此二十五日程文炳一軍追襲擒逆大獲勝仗  
情形也據宋慶張曜二十四日辰刻來稟劉松山郭寶  
昌壽昌各軍亦均馳抵深澤聞二十五日深澤趙八莊  
一帶官軍勦賊復獲勝仗未知何路官軍接仗尙未得  
該將領呈報二十三日宋慶張曜兩軍一晝夜行一百  
六十餘里痛殄賊氛大獲勝仗該營哨各員激勵士卒

奮勉用命實屬異常出力應請將記名總兵程之美

賞給勇號副將銜河南叅將劉廷請以副將儘先補用

賞加總兵銜儘先叅將強勇巴圖魯李永芳請以副將

儘先補用叅將楊春祥游擊蔣尙鈞賈惠山均請

賞給勇號都司吳守義請以游擊儘先補用守備馬王

岷請以都司補用並請

賞給勇號都司銜守備馮桂增藍翎守備宋得勝均請

以都司補用宋得勝并

賞換花翎守備銜千總程允和請以都司補用並

賞戴花翎千總唐廣興請以守備補用並

賞加都司銜以昭激勵所有官軍進剿捻逆登獲大勝  
情形謹合詞恭摺

奏伏乞

皇太后

皇上聖鑒訓示施行謹

奏

同治七年一月二十九

補報郭寶昌戰事片

再二月十八日之捷郭寶昌向孔家莊進剿賊騎結陣

迎敵副將王鳳鳴馳入賊中奮力攻擊賊始向逆首張  
總愚所踞孔中旺村奔逃郭寶昌飭游擊楊傳典入村  
馳勦張逆率步賊抗拒其義子張和尚與張五孩及賊  
目張玉率騎賊兩面鈔至猛衝數次當經參將郭運昌  
等率步隊並進正鏖戰間降人張九兒指擊張和尚應  
鎗而斃張五孩等馳前奪屍復經官軍鎗斃張玉適各  
軍破賊來會賊大敗南奔據生賊供張五孩左臂亦受  
鎗傷其小賊曰死者甚夥等語除奪賊旂械驟馬外並  
奪三開花炮四座劈山礮六尊郭寶昌所部陣亡哨長

張建業一員傷亡勇丁二十餘名二十二日之捷郭寶  
昌首抵大其營附近之封家村以步隊扼村口王鳳鳴  
等率馬隊後入賊眾因老賊假寐防守稍懈被官軍馳  
入擒斬多名其越牆遁者經步隊圍殺殆盡張逆胞弟  
張三及賊目唐玉均中鎗斃該處所踞老賊無一漏網  
並將王莊等處賊巢攻毀計陳斬悍賊百餘名生擒八  
十餘名據郭寶昌稟報前來合卽續報其喜昌十八二  
十二兩日及劉松山十八日戰勝情形尙未接其文報  
也謹附片馳陳伏乞

聖鑒施行謹

奏 同治七年二月二十九日

擒渡漳沱等防籌剿片

再 臣 宗棠於二月二十八日已刻行抵定州接據正定

府晉州藁城縣無極縣各探報擒逆於二十五日三鼓  
在晉州桃園相古莊一帶涉淺全渡漳沱句南晉州知州  
陸邦燁稟稱二十五日已刻始見賊騎數十成羣向西  
南竄走不敢近城嗣見六股絡繹而來幼童居多器械  
無幾由刻過盡向西南涉水竄渡三鼓亦皆過盡賊之



人馬淹斃甚多滹沱河北岸已無賊踪等語計各軍必已陸續追剿臣宗棠二十九日卽向正定進發渡滹沱而南進剿而滹沱北岸未可坐虛應請

飭涿州等處防軍拔赴保定替出保定附近防軍進紮滹沱北岸各橋梁淺灘以固正定河間天津三府門戶滹沱河水深處多卽橋梁未經折毀者亦不過數道尙易分布至馬隊利於馳逐不宜派令防守置精騎於無用之地擬請將馬隊悉調過河以利追逐其春壽馬隊請

續編卷十

美

旨飭令與劉松山鄧寶昌合隊陳國瑞如嫌兵單仍卽令其偕合攻剿不必別立一旂其喜昌全福馬隊俟臣宗棠渡河卽當調令合隊前進蓋賊踪靡定臣宗棠與諸將有時須分路迎剿而所部馬隊僅百餘騎步隊不足五千人不能收追奔逐北之效也賊旣渡河東路有李鴻章大軍迎剿賊必趨重南路應請

敕下河南撫臣山西撫臣分別防剿以杜紛竄謹附片

馳

奏伏乞

聖鑒施行謹

奏同治七年二月二十九日

軍機大臣 字寄同治七年三月初二日奉

上諭恭親王等奏擒逆股河南竄請飭各路統兵大臣  
迅圖追剿左宗棠等奏勦擒迭勝並殲斃賊目及渡河  
南竄情形各摺片覽奏均悉張曜宋慶督軍在饒陽東  
北乘夜擊賊直搗中堅程文炳追賊深澤晉州等處將  
斷後悍賊痛剿擒斬甚多張曜宋慶一晝夜馳逐一百  
六十餘里尤屬迅速本日已明降諭旨將該營出力將

并照請獎勵矣賊日張和尙張玉均爲郭賢昌所部鎗斃張五孩亦被鎗傷該逆敗殘已極向渚沱水淺處所竄渡前以渚沱水勢消長臆定諭令左宗棠等務乘水漲之時逼諸河濱迅圖聚殲今賊果由水淺處所涉渡南賊距京師雖爲較遠惟未能在渚沱北面迅籌剿滅失此機會甚屬可惜渚沱以南地勢平衍若不振奮精神將此股殲除致令蔓延肆竄難於收拾必將該大臣等重治其咎以儆玩泄著左宗棠迅督前敵諸軍儘力追剿毋任喘息並將善慶溫德勒克西馬隊調度南岸

與春壽馬隊合軍以利追逐陳國瑞馬步勇隊亦著飭令一體追剿潘鼎新等軍卽著官文飭令移紮滹沱北岸扼要駐紮以防回竄應否調赴南岸之處並著左宗棠酌量調遣恩承所部京兵卽移紮保定一帶與官文妥籌駐防丁寶楨所部卽移紮直東交界地方以顧東省門戶兼顧河間以南並飭東省各軍嚴扼臨清濮范一帶其定安富和富爾孫鄭魁士等軍卽著移紮河間以北一帶並著官文恩承妥籌調度崇厚所派天津洋鎗練隊卽著飭令該統將陳濟清等與定安等聯絡聲

勢兼顧津防余奉恩唐訓方劉景芳及直隸駐省各軍  
均著旨文派令扼要移紮接捕河北擒餘土匪兼顧省  
防李鴻章所部郭松林等軍卽著飭令由滹沱河南迅  
速前進並著親督所部兼程進剿與左宗棠合力夾擊  
該大臣等務當戮力同心和衷共濟迅圖蕝事不可稍  
存意見致誤事機賊勢見當窮蹙北路官兵厚集該逆  
非東窺臨清東昌卽西竄晉省李鴻章由錦州一帶進  
兵當兼顧東南一路以防捻逆與大名及濮范等處匪  
徒勾結晉省與直境交界山隘甚多防兵力單尤覺可

慮左宗棠見在定州當一面督兵進剿一面兼顧晉省  
山隘以杜賊踪西竄其平定遼潞各山口鄭敦謹當加  
意嚴防毋令闖入晉省致成不了之局大順一帶與豫  
省交界處所著李鶴年督飭皖豫防軍妥籌堵遏遇賊  
竄近亦卽當越境截剿毋任蔓延張之萬所派姚廣武  
等軍曾否到豫并著李鶴年迅速催過河北一帶歸李  
鶴年調遣以厚兵力本日據英翰奏請回旂穿孝一摺  
見在搶渡滹沱勢將南竄豫境防務喫緊皖軍牛師韓  
等部均在河北該署撫見在續派黃秉鈞等軍由陳州

北趨衛輝止須大員分路統帶仍著該署撫遵奉前旨  
回駐沐省與李鶴年協力籌防如遇賊踪竄近豫疆卽  
著該署撫渡河與李鶴年會剿俟擒逆蕩平後再行回  
旂補行穿孝以遂孝思將此由六百里各諭令知之欽  
此

同治七年三月初二日內閣奉

上諭官文左宗棠奏官軍追剿擒逆迭獲大勝一摺擒  
逆前竄饒陽等境屢經官軍擊敗二月二十三日賊在  
饒陽東北王莊等處宋慶張曜激勵將士於三更時直



偏賊館揮軍猛撲立將張邱兩逆所踞大村攻毀斬殺  
無算邱逆一股剿洗殆盡逆首張總愚糾黨回撲官軍  
分接接戰賊勢不支兵勇乘勢掩殺賊屍枕藉該匪向  
北逃竄復經官軍擊敗是役計生擒賊眾八百餘人內  
有賊目張立堂蘇付恩陳小奎等三名均訊明正法奪  
獲騾馬軍械甚夥救出難民四百餘人二十五日左宗  
棠親督各軍由安平拔隊進剿賊在深晉之交聞風狂  
竄程文炳統軍追躡督飭王心忠等馬步各隊兩面齊  
進鎗炮環施該匪驚悸敗潰官軍追至深澤縣之梁村

陣斬賊匪三四百人生擒數十名奪獲騾馬五六百匹  
救出難民三千餘人此次宋慶張曜兩軍晝夜行一百  
六十餘里痛挫賊鋒將弁頗爲出力總兵程之偉著賞  
給勲勇巴圖魯名號參將劉廷著以副將儘先補用並  
賞加總兵銜李永著著以副將儘先補用楊春祥著賞  
給勲勇巴圖魯名號遊擊蔣尙鈞著賞給信勇巴圖魯  
名號賈蕙田著賞給著勇巴圖魯名號都司吳守義著  
以遊擊儘先補用守備馬玉崐著以都司補用並賞振  
勇巴圖魯名號李嘉昌著以都司補用並賞加遊擊銜

馮桂增等二員均著以都司儘先補用內宋得勝並賞  
換花翎千總程允和著以都司補用並賞戴花翎唐廣  
興著以守備補用並賞加都司銜以示鼓勵該部知道  
另片奏二月十八日之捷郭寶昌在孔家莊進剿屢戰  
逾時鎗斃張逆之義子張和尚及逆首張玉二名賊目  
死者甚眾二十二日之捷郭寶昌在封家村鎗斃張逆  
之胞弟張三及賊目唐玉該處老賊無一漏網剿辦均  
爲得手仍著左宗棠等督飭各軍實力兜剿迅掃賊氛  
毋任蔓延欽此